

ՀՐԱԽԷՐ ՏԱՐԵԿԱՆ ԾԽԱԿԱՆ ԺՈՂՈՎՈՅ

ՍՈՒՐԲ ԵՐՐՈՐԴՈՒԹԻՒՆ ՀԱՅԱՍՏԱՆԵԱՅՑ ԱՌԱՔԵԼԱԿԱՆ ԵԿԵՂԵՑԻՈՅ

Որ տեղի պիտի ունենայ Կիրակի Փետրուար 20, 1966 կ.ե. ժամը 2.00ին  
Եկեղեցւոյս իանդիսասրահին մէջ:

Ժողովէն առաջ Եկեղեցասէր Տիկնանց Միութեան կողմէ պիտի սպասարկուի  
կէսօրուան պուֆէ ճաշ:

Օ Ր Ա Կ Ա Ր Գ

1. Աղօթք եւ բացում:
2. Ընտրութիւն Տարեկան ծխական ժողովի Դիւանին:
3. Ընթերցում նահորդ Տարեկան ծխական ժողովի Ատենագրութեան եւ  
Վաւերացում:
4. Հայց. Եկեղեցւոյ Երիտասարդաց Կազմակերպութեան գեկուցում:
5. ՆՈՐ ՍԵՐՈՒՆԴ Ամսաթերթի խմբագրութեան գեկուցում:
6. Դպրաց Դասու Միութեան գեկուցում:
7. Հարցեր զրաւոր ներկայացուած տեղեկագիրներու շուրջ:
8. Նկատառում ու քուէարկում 1966 տարւոյ պիւտճէին:
9. Նոր իարցեր:
10. Ընտրողական Յանձնախումբի տեղեկատուութիւն:
11. Ընտրութիւն Քուէախոյզ Յանձնախումբի:
12. Ընտրութիւն ծխական Խորհուրդի երեք ղաղարեալ եւ մէկ իրաժարեալ  
անդամներու տեղ նոր անդամներու:
13. Աղօթք եւ փակում:

Հովիւ եւ ծխական Խորհուրդ

ANNUAL PARISH ASSEMBLY OF

HOLY TRINITY ARMENIAN APOSTOLIC CHURCH

Sunday February 20, 1966 at 2.00 P.M. oin the Parish Hall.

†It is requested from dues paying members of the Church to pay  
their 1965 parish dues prior to the start of the Parish Assembly  
to be able to exercise their franchise.

Pastor and Parish Council

\*Prior to the Parish Assembly Ladies Auxiliary will prepare and  
serve luncheon.

Ջգործս ձեռաց մերոց ուղիղ արա ի մեզ,  
Տէր, եւ զգործս ձեռաց մերոց յաջողեա մեզ.

Իմաստութիւն Հօր Յիսուս տուր մեզ  
Իմաստութիւն, զբարիս խորհել եւ խօսել  
եւ զործել առաջի քո յամենայն ժամ,  
ի չար խորհրդոց, ի բանից եւ ի զործոց  
փրկեա մեզ: Եւ ողորմեա քո արարածոց  
եւ մեզ բազմամեղացս:

\*\*\*  
\*\*\*  
\*\*\*\*\*  
\*\*\*\*\*  
\*\*\*  
\*\*\*  
\*\*\*

Lord, may Thy loving favor rest  
upon us, and prosper all the work  
we undertake.

O Jesus, wisdom of the Father,  
grant us wisdom, that we may  
always think, speak, and do  
that which is good in thy sight;  
save us from evil thoughts, words  
and deeds. Have mercy upon Thy  
creatures and upon me, a manifold  
sinner.

ԲՈՎԱՆ ԴԱԿՈՒԹԻՒՆ

	էջ
Տեղեկագիր Հոգեւոր Հովիւ Հայր Ժիրայր Թաշճեանի	1-4
Ջեկոյց ծխական Խորհուրդի Ատենապետ Պր.Յակոբ Թօսունեանի	5
Տեղեկագիր Եկեղեցասէր Տիկնանց Միութեան	6
Տեղեկագիր Հայց.Եկեղ.Կիրակն.Դպրոցի	7
Տեղեկագիր Ս.Սահակ և Ս.Մեսրոպ Ազգ.Վրժ.ի	8-9
Ջեկոյց Թեմական Պատգամաւորական ժողովի	10
Ելեւմտական Հաշուետուութիւն Եկեղ.Տիկն.Միութեան	
Ելեւմտական Հաշուետուութիւն ծխական Խորհուրդի	

Սիրելի ծնականներ,

Աստուծոյ ողորմութեամբ ու Ձեր բոլորին եկեղեցանուէր գործակցութեամբ ահա տարի մը եւս կը բոլորենք մեր զաղութային Ազգային-Եկեղեցական կեանքէն ներս:

Այն օրէն ասդին երբ Հայց.Առաք.Եկեղեցւոյ հիմերը դրուեցան Գանատայի այս հիւրընկալ ափին վրայ, այդ օրէն ասդին այս վայրը դարձաւ իրաւ փարոսը մեր հայ հաւատքին ու Ազգային ներշնչման, լոյս ու ջերմութիւն տալով զալիք տարիներու մեր երազներուն ու մաքառումներուն:

Անցնող տարիները արդարեւ մեզի համար հեշտ ու սահուն տարիներ չեղան, այլ օրէ օր առաւել ճիգ ու քրտինք ապառեցին, ազնուական հայորդիներէն, որոնք զիտցան ցերեկը զիշերին խառնելով, իրենց զոհողութեան ու նուիրումի լայն քաժինը բերել. Հայց.Առաք.Եկեղեցւոյ առաւել պայծառացման ու բարգաւաճման:

Տար Աստուած մեզ բոլորիս առաւել շնորհք ու իմաստութիւն մշտնջենաւորելու մեր անկորնչական ժառանգութիւնը, ու օրրսքօրէ առաւել պայծառացընելու ու շէնցնելու մեր բարոյական ու հոգեւոր հայրենիքը, որ է Հայց.Առաք.Ուղղափառ Եկեղեցին:

Անցնող տարուան ընթացքին ամէն Կիրակի ու տօնական օրերուն Սուրբ Եկեղեցւոյս մէջ պաշտուեցան եկեղեցական արարողութիւնք եւ Ս.Պատարագի մատուցումներ, բացի այն պառագաններուն երբ մեր քաղաքէն բացակայութիւնը անհրաժեշտ տեսնուած է, որ է ըսել Տարեկան Թեմական Պատգամաւորական ժողովին եւ Հ.Յ.Ե.Կ.եան տարեկան համագումարին առիթներով:

ԱՅՑԵԼՈՒԹԻՒՆՆԵՐ.— Անցնող տարուան ընթացքին ընդունեցանք այցելութիւնները հետեւեալ Բարձրաշնորհ ու Հոգեշնորհ Հայրերուն ու Եղբայրներուն:

- ա. Հայկական Ս.Ծննդեան տօնին առիթով Թեմիս բարեջան Առաջնորդ Գերշ.Տ.Սիոն Ս.Արք.Մանուկեանի, եպիսկոպոսական հանդիսաւոր Ս.Պատարագի մատուցմամբ ու Կենաց Բանի քարոզութեամբ:
- բ. Կրօնական Դաստիարակութեան ամսուան առիթով Մարտ 14, 1965 Առաջնորդական փոխանորդ Հոգշ.Տ.Նիկիտէ Վրդ.Կիզիրեանի, Կենաց Բանի քարոզութեամբ:
- գ. Սրբոց Թարգմանչաց տօնին առիթով Յուլիս 11, 1965 Ս.Եկեղեցւոյս նախկին Հոգեւոր Հովիւ Հոգշ.Տ.Վազգէն Վրդ.Թաղոյեանի, Ս.Պատարագի մատուցմամբ ու Կենաց Բանի քարոզութեամբ:
- դ. Օգոստոս 29, 1965 Կիրակիին, Հիւսիսային Ամերիկայի Համաթեմական ՄԱՅՐ ՏԱՃԱՐՆ ԵՒՆՈՒԹԵԱՆ Վարիչ Զարտուղար Արժանաշնորհ Տ.Լեւոն Քահանայ Առաքելեանի, Ս.Պատարագի մատուցմամբ ու Կենաց Բանի քարոզութեամբ:

ե. նոյեմբեր 4, 5, եւ 6 օրերուն Ս.Եկեղեցւոյս ու զաղութիս համար եղաւ իրապէս պատմական օրեր, շնորհաբեր այցելութեամբը Կ.Պոլսոյ եւ Թիւրքիոյ Հայոց ԱՄԵՆԱՊԱՏԻԻ ՊԱՏՐԻԱՐՔ ՇՆՈՐՀՔ ՍՐԲԱԶԱՆ ՀՕՐ, որուն ներկայութիւնը մեզ ոգեւորեց ու մխիթարեց մեր ազգային ու եկեղեցական խանդավառութեամբ:

Պարտք կը զգանք մեր հորին շնորհակալութիւնը յայտնել Ս.Եկեղեցւոյս Սրբազան Ժամապաշտութիւնը ներդաշնակ երգեցողութեամբ ապահովող Դպրապետին Տիրացու Մինաս Սէլեանին, Սարկաւազաց ու Դպրաց Դասերու անձնուէր անդամներուն, որոնք ինչպէս միշտ այս տարի եւս շարունակեցին իրենց անսակարկ նուիրումը բերել Ս.Եկեղեցւոյս պայծառութեան:

ԾԻՍԱԿԱՏԱՐՈՒԹԻՒՆ.— Անցնող տարուան ընթացքին Ս.Եկեղեցւոյս մէջ կատարուած են 13 Սկրտութիւն եւ Դրոշմ հետեւեալ երախաներու:—

1. ԼՈՒՍԻԿ ՎԱՐՈՒԺԱՆԻ ՕՐՏՈՒՊԷԿԵԱՆ Համիլթընէն:
2. ՅՈՎՀԱՆՆԵՍ—ՎԻԳԷՆ ԶՈՀՐԱՊԻ ՏԷՐ ՍԿՐՏԻՉԵԱՆ Թորանթոյէն:
3. ՅԱԿՈԲ ԳԵՂԱՄ—ԱՐՄԵՆԱԿԻ ՏԷՐ ՅԱԿՈԲԵԱՆ ,,
4. ՍԻՐԱՆ ՅՈՎՀԱՆՆԵՍԻ ՀԱՄԱՐԵԱՆ ,,
5. ՍԻԼՎԱ—ԳԱՐԸԼԻՆ ՀԱՅԿԻ ԶՈՒԼԱԼԵԱՆ ,,
6. ՊԵՎԸՐԼԻ—ՃԻՆ ՎԱՐՈՒԺԱՆԻ ԳՐԻԳՈՐԵԱՆ ,,
7. ՌՈՐԵՐԴ ՃՈՐՃԻ ՆԱԼՊԱՆՏԵԱՆ ,,
8. ԱՐԱ ՄԻՍԱԶԻ ՄԱՆՈՒԿԵԱՆ Համիլթընէն
9. ՀԱՅԿ—ՃՈՆ ՄԱՐԹԷՆԻ ՍԵՐՈՐԵԱՆ Թորանթոյէն
10. ՅՈՎՍԷՓ ՆՈՐԱՅՐԻ ՏԷՐ ՎԱՐԴԱՆԵԱՆ ,,
11. ՏԻԱՆԱ ՎԱԶԳԷՆԻ ՏԷՕՔՍԷՃԵԱՆ ,,
12. ՅԱՐՈՒԹԻՒՆ ՍԱՆՈՒԷԼԻՀԻԻՐՄԻԻԶԵԱՆԻ ,,
13. ՖՐԵՏԵՐԻՉ ԵՂՈՒԱՐԴԻ ԲԱՐՄԱՔՍՁԵԱՆ ,,

9 ծխականներ գտան իրենց յաւիտենական հանգիստը.—

1. Գալայճեան Յակոբ
2. Եզեկիէլեան Եզնիկ
3. Գուլյումճեան Պետրոս
4. Յովհաննէսեան Վահան
5. Մջիկեան Հայկուհի
6. Խանանեան Հեղինէ
7. Հայրապետեան Արաքսի
8. Սարտիկեան Պետրոս
9. Ֆերմանեան Հայկ

Հետեւեալ 9 գոյգերը Ամուսնութեան Ս. Պսակի Խորհուրդին արժանացան.—

1. Տէր և Տիկ. Սարգիս Տեւ Արմինէ Տէմիրճեան
2. Տէր և Տիկ. Յակոբ եւ Մարի Աշճեան
3. Տէր և Տիկ. Պրակ եւ Զուարթ Կրէնթ
4. Տէր և Տիկ. Մարտիկ եւ Սարգրիթ Փափագեան
5. Տէր և Տիկ. Սեդրակ եւ Ալիս Զարուկեան
6. Տէր և Տիկ. Ռոստոմ եւ Անահիտ Տէր Սկրտիչեան
7. Տէր և Տիկ. Մովսէս և Սոնիա Ղազարեան
8. Տէր և Տիկ. Եղուարդ և Աղաւնի Էօտէմիշլեան
9. Տէր և Տիկ. Քրիստափոր և Լուսի Զաքմաքեան

Վերոյիշեալ ցանկերը իրենց լիակատար արձանագրութեամբ պահուած են եկեղեցւոյս Խորհրդակատարութեանց տոմարին մէջ:

Ծննդեան և Զատկի տօներուն առիթով շարունակած ենք ՏՆՕՐՀՆԷՔԻ այցելութիւններ տալ մեր համայնքի ընտանիքներուն, անոնց տանելով Հայց. եկեղեցւոյ Օրհնութիւններն ու բարեմաղթութիւնները:

Մեր ծուխի ընտանիքներուն կարգին ու եկեղեցւոյս ծխական խորհուրդին հետ համախորհուրդ, շարունակած ենք այցելութիւններ տալ նաեւ շրջակայ գաղութներուն, ի մասնաւորի Համիլթընի փոքրաթիւ գաղութին, պարբերաբար Ս. Պատարագի մատուցմամբ միթարելով մեր եղբայրներն ու բոյրերը: Այս առթիւ կրկին անգամ պարտք կը զգանք շնորհակալութիւն յայտնել բոլոր այն ազնիւ հայորդիներուն, որոնք ընկերացան մեզի մեր առաքելական այցելութեանց, իբր Դպիր եւ Սարկաւաք իրենց ծառայութեան բաժինը բերելով:

Ջանացած ենք ըստ կարելւոյն եւ ըստ պատշաճի այցելութիւններ տալ ծուխիս հիւանդներուն, հիւանդանոց կամ տունը, ցաւակցական, վարչական եւ կրթական գործերով, օտար եկեղեցիներու հոգեւոր պաշտօնակիցներու, Ողջերթի, Մկրտութեանց եւ Պսակադրութեանց եւ այլ գանազան ընկերային հաւաքոյթներու առիթներով:

ԳՐԱՍԵՂԱՆԻ ԱՇԽԱՏԱՆՔ.— Որքան որ մեր տկար ուժերը կը ներէին շարունակեցինք հրատարակել երկու շաբաթ անգամ մը եկեղեցւոյս ԼՐԱՏՈՒ ԵԿԵՂԵՑԻՈՅ ծխաթերթիկը որ եւ սակայն մեր կամքէն անկախ պատճառներով դադրեցուցինք հրատարակումը սպասելով այն երանելի օրուան երբ գաղութաւ ձեռնտու կ'ըլլայ գոնէ իր բարոյական քաջակերութիւնը տալ, մասնաւոր ՄԱՐՄՆԻ մը միջոցաւ վերստին ի լոյս ընծայելու, այդ կերպով միշտ սատարած ըլլալու համար ՀԱՅ ԳԻՐԻՆ ու ՄԱՍՈՒԼԻՆ: մեր գաղութային կեանքէն ներս:

Ջանացած ենք կանոնաւոր կերպով թղթակցութեամբ կապ հաստատել մեր թեմի Առաջնորդարանին հետ, անկէ եկած Առաջնորդարանի հրահանգներու գործադրութեան համար: Ենորհակալութիւն նաեւ բոլոր այն ազնիւ անձերուն, որոնք օգնեցին մեզ մեր գրասենեկային աշխատանքներուն մէջ:

Անցնող տարուան ընթացքին եւս շարունակուեցաւ ստուարացումը մեր համայնքին, նորանոր հայ ընտանիքներով ու անհատներով, որոնք յաղթահարելով ամէն դժուարութիւն, եւ շնորհիւ իրենց ձեռներեցութեան, կը ջանան իրենց խաղաղ ու ապահով նոր կեանքը կերտել իրենց որդեգրած այս նոր հայրենիքին մէջ, միեւնոյն ատեն չմոռնալով երբեք իրենց հայրերուն հաւատքն ու Ազգասիրական ոգին:

Ի վերջ բանիս այսու մեր խորին շնորհակալութիւնը կը յայտնենք Ս.Նկեղեցւոյս Պատուարժան ծխական Խորհուրդի յարգոյ եւ սիրելի անդամներուն եւ իրենցմով գլխաւորուած մեր բոլոր եկեղեցապատկան մարմիններուն, որոնց բոլորին միակամ ու համերաշխ գործակցութեամբ, խաղաղ ու յաջող տարի մը բոլորած ըլլալու հոգեկան գոհունակութիւնը ունեցանք:

Կը մաղթեմ Ձեզ բոլորիդ առողջութիւն ու յաջողութիւն, նոյն ոգիով ու պայծառ տեսիլքով միշտ վառ պահելու հայուն Լուսաւորչի Կանթեղը այս հիւրընկալ ափին վրայ:

Սիրոյ աղջոյնիւ  
Ժիրայր Աբեղայ Թաշճեան Հովիւ

ՁԵԿՈՅՑ ԾԽԱԿԱՆ ԽՈՐՀՈՒՐԴԻ ԱՏԵՆԱՊԵՏԻՆ 1965

Յարգելի անդամներ,

Երբ տարի մը առաջ մեզի վիճակուեցաւ ծխական խորհուրդիս Ատենապետութեան աթոռը, մեր մտքին մէջ ունէինք մէկ ու ղեցոյց միայն, որն էր տարի մը ամբողջ զաղուծս պահել խաղաղ մթնոլորտի մէջ, առիթ չտալով մէկուն կամ միւսին, վերարծարծելու հարցեր որոնք պէտք է որ մոռացուէին եւ մոռացութեան հետ հաշտարար մթնոլորտ մը ստեղծէին:

Թէեւ մթնոլորտը պատրաստ է, եւ կրքերը նուազ, որմէ յառաջ պէտք է գայ ոգի մը ի նպաստ մեր եկեղեցւոյ բարեւաւման եւ աշխատանքի, մեր գալիք սերունդներու բարօրութեան համար, կը տեսնուի կրաւորական ընթացք մը երկու հոսանքներու կողմէ, մին նոյնքան անօգուտ ինչպէս միւսը, եւ անօգնական մեզի որոնց պէտքն ունէինք յաջողցնելու ամէն եւ որ եւէ ձեռնարկ: Եթէ կարողացանք ընել կարգ մը աշխատանքներ, ըրինք զանոնք անտանելի եւ բացարձակապէս առանձինն մնացած շրջանակի մը մէջ: Եթէ մեզմէ շատ բան կը սպասուէր, կարելի է սպասել, միայն այնքանը՝ որքան գլուխէ մը կը սպասուի, առանց ունենալու իր մարմնի մնացած անդամները:

Հակառակ այս իրականութեանց, բոլոր անցուղարձերէ որոշ չափով տեղեակ էք, եւ եթէ միաժամանակ նկատի առնէք մեր Գանձապահի Հաշուեկշիռը, որոշ է որ եղած են բաւականաչափ աշխատանքներ որոնք թէեւ չեն զոհացներ ինձ եւս, միանգամայն կարելի չէ ալ չզնահատել:

Այսու մեր աթոռը պարապ կը թողունք առիթ տալու անձի մը որը կարենայ այս գալիք պատեմ շրջանը կաւազոյնս գործածել: Տրամադրելով նաեւ մեր ընկերակցութիւնը, իր յաջողութեանը համար:

Այս երկու անցնող տարիներու ընթացքին, դժբախտաբար կորսնցուցինք մեր անդամներէն մի քանին, որոնք ըլլայ Ձեզի եւ ըլլայ մեզի սիրելի էին: Ըլլալով մենք եւս մահկանացուներ, իմ խնդրանքս այդ պիտի ըլլա՞մ, որ անոնք որոնք կը բաժնուին մեզմէ, ունենան Քրիստոնէական անդորրութիւնը իրենց հոգիներուն մէջ տեսնելով զաղուծ մը յէջ Լերան Քարոզի պատգամները կ'իրագործուէին ի շահս Գանատահայ եւ Քրիստոնեայ համայնքի:

Ձերդ անկեղծօրէն

Յակոբ Թօսունեան Ատենապետ



ՀԱՅՑ.ԱՌԱՔԵԼԱԿԱՆ ԵԿԵՂԵՑՈՑ ԿԻՐԱԿՆՕՐԵԱՅ ԴԿՐՈՑԻ ՏԵՂԵԿԱԳԻՐ

Հայց.Առաք.Եկեղեցւոյ Կիրակնօրեայ Դպրոցը երկար ատեն փակ մնալէ վերջ, շնորհիւ զաղութիս Հոգ.Հովւին Հայր ժիրայր Աբեղայ Թաշմեանի եւ պատուարժան ծխական խորհուրդի անդամներու աշխատանքին վերաբացուեցաւ Հոկտեմբեր 1 Կիրակի օր, հրաւիրուած էր Յ ուսուցիչ եւ 1 ուսուցչուհի, որոնք կանոնաւոր կերպով կը շարունակեն Հայ Մանուկներուն տալ Կրօնաբարոյական Դաստիարակութիւն: Ունինք շուրջ 35-40 աշակերտ-աշակերտուհիներ, բաժնուած երեք կարգերու: Ամէն Կիրակի կանոնաւոր կերպով կ'ուսուցուի Աղօթքներ, Մաղթանքներ, եւ Շարականներ, կը պատմուի բարոյալից պատմութիւններ:

Ուսուցչական Կազմս ունեցած է իր հերթական ժողովները, եւ առաջին ժողովին իսկ կազմած է իր Դիւանը, Տեսչութեամբ ժան Նահապետեանի, Գանձապահ-Ատենադպրութեամբ Օրդ.Այտա Շիշմանեանի:

Կաղանդի առթիւ նուէրներ բաժնուեցան աշակերտներուն, որուն ծախսը տրամադրուեցաւ ծխական խորհուրդի մօտ պահուող Դպրոցիս գանձէն:

Հայց.Առաք.Եկեղ.Կիրակն.Դպրոց

Տեսուչ

Ժան Ն.Նահապետեան

Ս. ՍԱՀԱԿ ԵՒ Ս. ՍԵՍՐՈՊ ԱԶԳ. ՎԱՐԺԱՐԱՆԻ ՏԵՂԵԿԱԳԻՐ

Վարժարանին ներկայ տարեշրջանը բացառիկ է քանի մը տեսակետերէ. նախ առաջին անգամ ըլլալով փորձը կատարուեցաւ դասաւանդութիւնները կատարել վարժուած շէնքի մը մէջ. ծնական եռոյցի նախաձեռնութեամբ կարգադրուեցաւ, որ վարժարանը փոխադրուի ամէն շաբաթ օր ժամը 10-էն 12.30 քաղաքիս քանա-տանան դպրոցներէն Գաննոքաբըն Սոլուի մէջ: Գոմելի կարգադրութիւն մըն էր որմէ կրնար օգտուիլ հայ համայնքը եթէ դէպքերը այլ ընթացք չառնէին: Վարժուած էին 8 դասարաններ առաւել պարբերաբար մեզի տրամադրուած երգա-սոցա մը ուր աշակերտները կ' ունենային պատշաճ գրասեղաններ եւ դպրոցական մթնոլորտի մը առաւելութիւնները. սակայն դժբաղդաբար այդ շէնքը մնաց օտար մեզի համար, և մանաւանդ անոր վերակացու հսկիչին ունեցած անարեացակամ կեցուածքը պատճառ եղաւ, որ փոխանակ տեղի տալու յաճախակի կրկնուած անա-հորժ և կասկածելի ճշդութեամբ դիտողութիւններու, դասաւանդութիւնները դադ-րեցուին այդ շէնքին մէջ և վարժարանը կրկին փոխադրուի մեր սեփական յարկին, եկեղեցիի սրահին մէջ: Այժմ սրահին և յարակից սենեակներու կարելիու-թիւնները ի լրիւ գործածելով դասերը կանոնաւոր կերպով կը շարունակուին: Վստահ ենք, որ շուտով կ'իրականանայ ամէն հայու երազը - ունենալ իր սե-փական շէնքը որպէսզի մեր մտառը սերունդին հայեցի դաստիարակութեան գործը կատարուի արժանավայել կերպով:

Շնորհորդ բացառիկ երեւոյթն է մեր աշակերտութեան թիւին անհամեմատ աճը. մինչ նախորդ շրջանին այդ թիւը եղած էր շուրջ 70, այս տարի արձանա-գրուած են 115 աշակերտներ: Ասոնցմէ 54 մանչ և 61 աղջիկ բաշխուած են մանկապարտէզի երեք, նախապատրաստական մէկ և նախակրթարանի հինգ դասարաննե-րուն մէջ: Ուսուցչական կազմը բաղկացած է հետեւեալ ազգայիններէն.

- Տնօրէն - Դրն Յակոբ Պալեան,
- Նախակրթարան - Տիկ. Տիգրանուհի Արթինեան
- Դրն Կարօ Տէիրմէնճեան
- Դրն Զրիստ. Չաքմաքեան
- Օր Սարի Դանիէլեան
- Նախապատրաստ. - Տիկ. Եաթէ Արթինեան
- Մանկապարտէզ - Օր. Նորա Շահմուրադ
- Տիկ. Սիւզան Ղուկաս
- Օր Սօնա Թոնկանեան
- Տիկ. Արփինէ Մերաս.

Երգի և երաժշտութեան ուսուցչուհի Տիկ. Արաքսի Գասարճեան Հայոց Պատմութեան և Հայաստանի Աշխարհագրութեան ուսուցիչ Դրն Հ. Տիւնջեանի քաղաքէս անակնկալ մեկնումին պատճառով սոյն դասերու աւանդումը ստանձնած է Հովիւ Հայր ժիրայր Թաշճեան որը նոյնպէս կը ղեկավարէ վերին դասարաններու երգի ուսուցումը:

Ուսուցչական այս կազմը կը ջանայ իր լաւագոյնը ընել այս դժուարին գործը կատարելու համը և ասիկա առանց ամենադոյզն նիւթական վարձատրութեան: Այս անփոխարինելի զոհաբերութիւնը կը կատարուի ազգին զաւակներուն նկատ-մամբ այն հաստատ համոզումով. թէ ծնողները զորավիզ պիտի կանգնին վարժա-րանին մէջ սկսուած գործին և իրենց բովանդակ աջակցութեամբ այդ գործը պիտի դարձնեն արդիւնաւէտ. առանց այս աջակցութեան ասպարդիւն կը մնայ վարժարանին գործը հայեցի դաստիարակութեան մէջ:

Վարժարանս կ' օգտագործէ այժմ 5 փոխադրող ինքնաշարժեր որոնցմէ կ' օգ-տուին 65 աշակերտներ: Դպրոցական թօշակ չի գանձուիր, այլ միայն արձանա-գրութեան չնչին գումար մը, 5 տու. . իսկ ինքնաշարժով փոխադրուողէ կը գան-ձուի տարեկան 20 Տու. մինչ իւրաքանչիւր աշակերտի ծախսն է առնուազն 55 Տու. Այս տարեշրջանին գանձուած է մինչեւ հիմա 1220 Տու. իսկ գանձելի կը մնայ մօտ 600 Տու.

Յանձնարարելի է, որ կրթական թօշակի սակը բարձրացուի, իսկ վճարումները կատարուին ակելի կանոնաւոր կերպով և յաճախակի - ամսական կամ եռամսեայ: Նման գոհողութիւն մը իման պիտի ըլլար հանրութեան լայն շրջանակի մը ակելի մօտէն հետաքրքրուելու դպրոցին մէջ կատարուած աշխատանքին և մղելու իրենց զակակները ակելի լրջութեամբ և սիրով սերտելու իրենց հայերէնի դասը:

1966 ի ամանորին տեղի ունեցաւ վարժարանիս ականդական կաղանդ Պապայի հանդէսը որ առիթ տուաւ ծնողներուն ակելի մօտէն տեղեակ ըլլալու դպրոցէն ներս կատարուած աշխատանքին: Նոյնպէս իւրաքանչիւր աշակերտ ստացաւ սիրուն նուէր մը:

Ձուականէս երեք ամիս առաջ ունեցանք այգելութիւնը Ամերիկայի Ազգ. Առաջնորդարանէն կրթական տեսուչ Պրն Արտաշէս Սկրտիչեանը, որը իր հիացումը յայտնեց վարժարանէն ներս տիրող կացութեան մասին և յանձնարարած որ միջոցներ ձեռք առնուին հիմնելու համր հայ ամենօրեայ դպրոց մը, խոստանալով որ այդ հարցը պիտի տարուի Պատգամաւորական Ժողովին եթէ այս ուղղութեամբ ունէ դիմում կատարուի Պատկ. Ժեական Ժողովին կողմէ:

Նոյնպէս ունեցանք շնորհաբեր այգելութիւնը Թիւրքիոյ Հայոց Պատրիարք Ամեն. Տէր Շնորհք Սրբ. Հօր որ իր օրհնութիւնը տուաւ վարժարանիս աշակերտութեան և Ուսուցչական կազմին:

Մաղիւիով նորանոր յաջողութիւններ մեր սիրելի վարժարանին,

Ս.ՍԱՀԱԿ ԵՒ Ս.ՍԾՄԻՐՈՊ ԱԶԳ. ՎԱՐԺԱՐԱՆ

Տնօրէն

Յակոբ Տ. Պալեան

Փետր. 1966.

ՋԵՆՈՅՑ ԹԵՍԱԿԱՆ ՊԱՏԳԱՄԱԽՈՐԱԿԱՆ ԺՈՂՈՎԻ 1965

1965 տարւոյ Թեմական Պատգամաւորական 63րդ Տարեկան ժողովը

գումարուեցաւ Մայիս 13-15 օրերուն, Ուեսթ ֆիլատելֆիոյ Ս.Սահակ և Ս.Սեստրոպ նորաշէն եկեղեցւոյ մէջ, նախագահութեամբ Թեմակալ Առաջնորդ Գերշ.Տ.Սիոն Ս.Արք.Սանուկեանի, եւ մասնակցութեամբ Թեմի 146 հոգեւորական աշխարհական պատգամաւորներու:

Ժողովի կարեւոր նիւթերու կարգին մանրամասն ու լիակատար տեղեկութիւններ տրուեցան Թեմի ՄԱՅՐ ՏԱՃԱՐԻ ԵՒ ՄՇԱԿՈՒԹԱՅԻՆ ԿԵԴՐՈՆԻ ՇԻՆՈՒԹԵԱՆ Յանձնաժողովին կատարած աշխատանքներուն մասին եւ միաձայնութեամբ որոշուեցաւ իրաւասութիւն տալ Յանձնաժողովին որպէսզի ի հարկին 1.500.000.00 տոլարի փոխառութիւն կատարէ, արագ թափով ի գլուխ հանելու համար Ամերիկահայութեան երկար տարիներու երազը եղող Մայր Տաճարի ու Մշակութային Կեդրոնի շինութիւնը:

Ժողովը որոշեց նաեւ նկատի ունենալով Թեմի ընդարձակ տարածութիւնը եւ գործերու բազմազանութիւնը, որոշեց Միտլը Ուեսթի եւ Գանատայի շրջանի համար նշանակել Առաջնորդական փոխնորդութիւն մը, յատկացնելով 7000.00 տոլարի գումար մը, կեդրոն ունենալով Տիֆրոյթ քաղաքը:

Ժողովը որոշեց յանձնարարել Առաջնորդ Սրբազանին եւ Թեմական Խորհուրդին մեր Թեմի Հայ Դպրոցներու կրթական եւ տնտեսական վիճակի բարելաւման համար ապահովել Հայկական Բարեգործական Ընդհանուր Միութեան գործակցութիւնը:

Ժողովը Առաջնորդարանի 1965 տարւոյ պիւտճէ սահմանեց 102.000.00 տոլար, եւ կատարեց Թեմական Խորհուրդի մասնակի ընտրութիւնը:

Թեմական Պատգամաւոր  
Յակոբ Թօսունեան